

[www.BibleForChildren.org](http://www.BibleForChildren.org)




Genesis 6



Na 'a'ema'e sulia sa Noa nia 'uri:  
Sa Noa to'o ana uulu ngela  
ngwane ki, ma satada ne'e sa  
Siem, sa Ham, ma sa Jafet.

God lisia ma'i na magalia ne'e ki,  
lisilana ta'a ka lilisu na'a,

osi'ana na ngwae ki  
ta'ifau na  
falafala kira  
ki ta'a liu na'a.



'Una'eri God ka fata 'uri fuana sa Noa,  
“Osi'ana na fanoa nini 'i ano nia fungu na'a  
'ani ta'anga'a ne'e na ngwae ki fulia, nai  
ba'a fa'asuia ngwae ki ta'ifau. Mamana  
liu, na'i ba'a malangisia na  
magalia ne'e fa'inia na ngwae  
ki ta'ifau.”




“Nia ne'e 'oke ngalia na reba 'ai le'a ki na'a,  
ma 'oko saunga'inia ta'i faka doe liu, 'oke  
saunga'inia kala ma'e luma ki 'i saena,  
ma 'oko saia 'i saena ma 'i iila logo 'ania  
na buli saia ki.”



'Oke saunga'inia ketalana  
ke ba'a dao ana 135  
mita. Ma reba lana ke  
dao ana 22 mita.

Ma  
fanelana


ke dao  
ana 13 mita.




“Ma 'oke ba'la ngalia logo ti fanga 'i saena faka ne'eri ke totoli kaumulu ma na ru ne'e kira mauri ki logo.”




Ma 'oke ba'a ngalia ro fa'i no'o ki saena na faka ne'eri,  
ma ro ru 'anga ana ru 'ae'aela, ma na ru ki ta'ifau ne'e  
mauri fafona ano ne'e.



Na ru ne'eri ki 'oke ba'a ngalia ta ta'i ru ngwane fa'inia  
ta ta'i ru kini saena na faka fa'i kaumulu 'iri kike mauri.




'Oke ngali akwala ma fai ru ana ru 'ae'aela sikasika ki,  
ta fiu ru ana ai ngwane ki, ma ta fiu ru ana ai  
kini ki. Ma 'oko ngalia logo ro ru 'anga ana ru  
ne'e noa'a 'iri sikasika ki, ta ta'i ru ngwane  
fa'inia ta ta'i ru kini.





Ma nia'a fa'inia 'afe nia,  
ma na uulu ngela nia ki fa'inia  
uulu 'afe kira ki, kira ka ru'u na'a  
saena na faka doe ne'eri, kira ka  
ago na'a fa'asia na kafo afe doe ne'eri.





Ana ruana madamo ana akwala  
asoa ma fiuna asoa ana fa'i ngali  
ne'e sa Noa nia dao na'a ana ono  
talanga'i fa'i ngali ki, na kilu kafo ki saena  
ano ne'e ni'i ka 'ifi, ma kafo ka luluasa ma'i  
ka doe, ma ma'e uta doe ki ka to'o ma'i.





Ma na uta ne'eri ka to'o to'o leleka ka dao  
ana fai akwala asoa ma fai akwala rodo.



Na kafo ne'e ka ina'u ana fungu'a  
fafia magalia ne'e, ma faka ne'e  
nia fa'ofa'o ka le'a go'o 'ana, . . .



. . . leleka kafo ne'e ka fungu fafia na fa'i ua ki, ma ka ra'e ka leleka 'ana. Gwauna fa'i ua ki bore ka fungu fafi'i ka 'ato liu. Ru ki ta'ifau ne'e to'o ana mango'i ru ki ne'e kira tua ana magalia nini God saunga'inida, kaida'i ne'e nia kuruda, ma kira ka mae ta'ifau na'a. Ngwae ki ta'ifau fa'inia ru 'ae'aela ki ta'ifau ma na ru angoango ki fafona ano ne'e ma fa'i no'o ki ta'ifau, God nia malinga'inida ta'ifau na'a. Sa Noa go'o fa'inia lu'ulu'ua nia, ma ru ki

ta'ifau ne'e tua fa'inia saena faka doe ne'e go'o ne'e kira mauri.



Bore ma God nia manata nama to'ona  
'ua sa Noa, ma na ru ki ta'ifau ne'e kira  
tua fa'inia saena na faka ne'eri, sui nia  
ka kwatea ta'i ma'e iru iru ka iru fafia  
kafo ne'eri, ma kafo ka tala'ae ka  
koso la'u.





Buri 'ana fai akwala asoa  
ki la'u, sa Noa ka 'ifingia na  
maa olofola ana faka ne'eri,  
osi'ana nia oga ke saiana  
fasi di'ia kafo ne'eri nia gwa'u  
na'a ana kula ne'eri. Aia, nia ka  
kwatea kwau na ta'i fa'i no'o doe  
ne'e satana na refen,  
ma ka fa'a lofota'inia  
kwau.





Bore ma fa'i no'o ne'eri ka  
leka ana kula ki ta'ifau, ma  
nia ka tuani lofo kwailiu go'o  
'ana, leleka ka dao ana  
kaida'i kafo ne'eri gwa'u ka  
langa langa na'a.



Ma ana ro akwala ma faina asoa ana ruana madamo  
ana fa'i ngali ne'eri, na ano nia langa langa  
ta'ifau na'a.



Sui God nia ka fata 'uri fuana sa Noa, “Kaidali ne'e na'a, 'afe 'oe fa'ini'o, fa'inia uulu ngela 'oe ki fa'inia uulu 'afe kira ki, kaumulu ta'ifau mulu saiana muke ra'e na'a ma'i fa'asia na faka ne'ana.”




Aia, sa Noa nia 'uia ta'i sulufaua fuana fo'osilana lawe,  
ma nia ka ngalia ti  
ru 'ae'aela fa'inia ti  
fa'i no'o ne'e kira  
sikasika fuana 'au abu'a,  
ma nia ka saungida kike  
mae, ma ka do'ofida  
fafona sulufaua ne'eri.





Ma God ka fata  
la'u 'uri, "Na fau  
alanga'i 'anga nau  
nini'a nau ku fata 'ani  
fa'i kaumulu ma na ru  
ki ta'ifau ne'e kira mauri,  
noa'a nia kasi ba'a sui, ma

ma'etoto nia ne'e ka  
'uri: Nai ba'a alua  
tafisi'oro nau ke teo  
saena gwa'i salo, ma  
tafisi'oro ne'e na ma'etoto  
ana fau alanga'inga nau  
ne'e nau ku alangani fa'i  
kaumulu."



“Kaida'i nau ku  
kwatea ma'i gwa'i  
salo ki saena  
mamanga, na tafisi'oro  
ke saka na'a ma'i ana  
gwa'i salo, ma nai ba'a  
manata to'o ana na fau

alanga'inga nau ne'e  
nau ku alanga'i fa'i  
kaumulu ma ru ki ta'ifau  
ne'e mauri. Noa'a naisi  
ba'a fa'alia na'a mangom  
u'a 'ania ta fa'i kafo  
doe la'u 'uri.”



Sui God fa'ale'a sa  
Noa, fa'inia uulu ngela nia ki,  
ma nia ka fata 'uri fuada,  
“Kaumulu ke to'o ana ngela 'oro,  
fasi 'iri magalia ne'e  
ke fungu 'anida.”



Na uulu ngela sa Noa  
ki ne'e kira leka ma'i fa'inia ana  
faka doe ne'eri ne'e sa Siem, ma  
sa Ham, ma sa Jafet. (Sa Ham ka  
alua sa Kenan.) Ma ngwae ana  
magalia ta'ifau, kira futa  
ma'i ana kwalafa uulu  
ngwae  
ne'e ki.



God fa'ata'inia na alafe'anga doe nia  
fuana na ngwae ki ta'ifau saena magalia  
ne'e 'uri, nia ka kwatea ma'i ta'i Ngela  
muta'i nia, fasi 'iri sa tai ne'e  
kira fa'amamana ana nia'a,  
noa'a kira kasi funu, bore  
ma kira ke ba'a  
mauri firi.



Romans 3:23

Ngwae ki ta'ifau go'o kira abula ta'a, ma noa'a ta ngwae 'iri tua 'ani falafala ne'e ke fa'adufa God.

Romans 6:23

Sulia na abula ta'anga'a nia kwatea mae'a, bore ma na kwate'a ne'e God kwate sakongali ana nia na'a ne'e mauri'a firi sulia sa Jesus Christ na Aofia kia.

Hebrews 9:27

Aia, ma na ngwae saena magalia ne'e ki, kira mae ana ta'i fa'i kaida'i go'o, sui mala God ke ba'a matalanga'inida.



## Ephesians 2:8,9

God fa'amauri kia 'ani na alafe'anga nia sulia na fa'amamana'anga kia. Nia noa'a kasi fa'amauri kia go'o osi'ana rao'a kia ki talaka. Bore ma God kwate 'o'o go'o ana na mauri'a faolu fuaka. Nia ne'e, 'afita'i ta ngwae ka fata naunau sulia na mauri'a faolu nia, sulia God noa'a kasi kwatea sulia ta rao'a ne'e kulu sasi'i ki.

## Romans 10:9,10

Di'ia kamu saea sa Jesus 'ani na Aofia, ma muke fa'amamana ne'e God ta'ea fa'asia na mae'a, God ke ba'a fa'amauri kamu. Na ngwae ne'e nia fa'amamana ana sa Jesus saena maurilana nia 'olo'olo 'i maana God. Ma na ngwae ne'e nia fata tafa 'ania sa Jesus nia Aofia, God ke ba'a fa'amauria



## John 3:16,17

God fa'ata'inia na alafe'anga doe nia fuana na ngwae ki talifau saena magalia ne'e 'uri, nia ka kwatea ma'i tali Ngela mutali nia, fasi 'iri sa tai ne'e kira fa'amamana ana nia'a, noa'a kira kasi funu, bore ma kira ke ba'a mauri firi. God noa'a kasi kwatea ma'i na Ngela nia saena magalia fuana na matalanga'ilana na ngwae ki, bore ma nia ka kwatea lala ma'i fuana fa'amaurilada.

## 1 John 5:11-13

Ma ala'anga ne'e God ka fa'amamana sulia na Ngela nia ne'e 'uri: God kwatea na'a na mauri'a firi fuaka, ma na mauri'a ne'e ka 'ita ma'i fa'asia na Ngela nia.

Ma sa tai bore 'ana ne'e tua fiku fa'inia na Ngela God, nia to'o ana na mauri'a firi. Ma sa tai ne'e noa'a kasi tua fiku fa'inia na Ngela God, nia noa'a kasi to'o logo ana na mauri'a firi. Nau ku keresia na ru ne'e fuamu'a ngwae ne'e fa'amamana ana na Ngela God, fasi 'iri muke saiana ne'e kaumulu to'o na'a ana na mauri'a firi.



# Genesis 6 – 10

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: M. Maillot, Tammy S.

Kwara'ae Bible (kwf) © 2003, Wycliffe Bible Translators, Inc.  
All rights reserved.

<https://www.bible.com/en-GB/bible/1904/GEN.1.KWF>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

